

漢魏叢書

別史越絕書

卷一  
之五

漢

亡名氏

補

第三十三冊

越絕書序

越絕名實羣籍木賜作一咸知周信  
書蓋古而未攷按載多吳越事崇文  
總目謂端木賜作尤非其文辨而奇  
博而機藏知周信重讐明勇與國策  
謫權傾捭者異獨陳成子篇愚間列

國操縱成敗固遊士譚也據春秋哀  
公使賜正吳尋盟以尊魯斯後人襲  
事騁辭且將嫁於善言子貢徵信焉  
博材如子長史記亦云然也不知霸  
術耻稱聖門茲如子長漢尋氏謂戰  
國人所爲漢人稱聖門益嫁矣賜也



乎哉舊本自宋嘉定間刻於吾蜀夔  
門再刻會稽乃久遠不真嘗思廣傳  
黎陽盧少樞出孟汝再家藏舊本於  
予頗爲完善二子好古博文雅會斯  
志爰校刻焉交成厥美云爾時嘉靖  
壬子夏六月朔日西蜀張隹胤撰

卷之六 賦曰所與

此處有嚴重損壞，文字模糊不清。

宋開禧時野山孟武再舉燕蓟本

門再校會部以人教不其嘗思遺

平處舊本自宋熹宗間校於再

越絕口錄

外傳本事

卷一

荆平王內傳

卷二

外傳記吳地傳

卷三

吳內傳

卷四

計倪內經

卷五

請糴內傳

卷六

外傳紀策考

卷七

外傳記范伯

內傳陳成恒

卷八

外傳記地

卷九

外傳計倪

卷十

外傳記吳王占夢

卷十一

外傳記寶劍

卷十二

內經九術



外傳記軍氣

卷十三

外傳枕中

卷十四

外傳春申君

德序外傳記

卷十五

敘外傳記

越絕目錄終

越絕書

外傳本事第一

問曰何謂越絕越者國之氏也何以言春秋而秋序  
齊魯皆以國爲氏姓是以明之絕者絕也謂句踐時  
也當是之時齊將伐魯孔子恥之故子貢說齊以安  
魯子貢一出亂齊破吳興晉彊越其後賢者辯士見  
夫子作春秋而畧吳越又見子貢與聖人相去不遠  
脣之與齒表之與裏蓋要其意覽史記而述其事也  
問曰何不稱越經書記而言絕乎曰不也絕者絕也

句踐之時天子微弱諸侯皆叛於是句踐抑彊扶弱  
絕惡反之於善取舍以道沛歸於宋浮陵以付楚臨  
沂開陽復之於魯中國侵伐因斯衰止以其誠在於  
內威發於外越專其功故曰越絕故作此者貴其內能  
自約外能絕人也賢者所述不可斷絕故不爲記明  
矣

問曰桓公九合諸侯一匡天下任用賢者誅服彊楚  
何不言齊絕乎曰桓公中國兵彊霸世之後威凌諸  
侯誅服彊楚此正宜耳夫越王句踐東垂海濱夷狄文

身躬而自苦任用賢臣轉死爲生以敗爲成越伐彊  
吳尊事周室行霸琅邪躬自省約率道諸侯貴其始  
微終能以霸故與越專其功而有之也

問曰然越專其功而有之何不第一而卒本吳太伯  
爲曰小越而大吳小越大吳奈何曰吳有子胥之教

霸世甚久北陵齊楚諸侯莫敢叛者乘薛許邾婁莒  
旁轂趨走越王句踐屬芻莖養馬諸侯從之若果中  
之李反邦七年焦思苦身克已自責任用賢人越伐  
彊吳行霸諸侯故不使越第一者欲以貶大吳顯弱



越之功也

問曰吳亡而越興在天與在人乎皆人也夫差失道  
越亦賢矣濕易雨饑易助曰何以知獨在人乎子貢  
與夫子坐告夫子曰太宰死夫子曰不死也如是者  
再子貢再拜而問何以知之夫子曰天生宰嚭者欲  
以亡吳吳今未亡宰何病乎後人來言不死聖人不  
妄言是以明知越霸矣何以言之曰種見蠡之時相  
與謀道東南有霸兆不如往仕相要東游入越而止  
賢者不妄言以是知之焉

問曰越絕誰所作吳越賢者所作也當此之時見夫子刪書作春秋定王制賢者嗟歎決意覽史記成就其事

問曰作事欲以自著今但言賢者不言姓字何曰是人有大雅之才直道一國之事不見姓名小之辭也或以爲子貢所作當挾四方不當獨在吳越其在吳越亦有因矣此時子貢爲魯使或至齊或至吳其後道事以吳越爲喻國人承述故直在吳越也當是之時有聖人教授六藝刪定五經七十二子養徒三千

講習學問魯之闕門越絕小莚之文固不能布於四方焉有誦述先聖賢者所作未足自稱載列姓名直斥以身者也一說蓋是子胥所作也夫人情泰而不作窮則怨恨怨恨則作猶詩人失職怨恨憂嗟作詩也子胥懷忠不忍君沈惑於讒社稷之傾絕命危邦不顧長生切切諫終不見聽憂至患致怨恨作文不侵不差抽引本末明已無過終不遺力誠能極智不足以身當之嫌於求譽是以不著姓名直斥以身者也後人述而說之乃稍成中外篇焉

問曰或經或傳或內或外何謂曰經者論其事傳者  
道其意外者非一人所作頗相覆載或非其事引類  
以託意說之者見夫子刪詩書就經易亦知小藝之  
復重又各辯士所述不可斷絕小道不通偏有所期  
明說者不專故刪定復重以爲中外篇一作焉

越絕本事終



